**摘藻堂四庫全** 

書薈

**要** 经 部

驚皇處世如此學問安在哉孟子所以雖有此心而 事未可去而决意求去則將自取禍患非聖賢之道 則上起國君之疑下招小人之誇而民情震恐物論 之命人心搖動而吾於其間不顧可否以決去為高 也其曰繼而有師命不可以請乃知聖賢其周旋 也此孟子所以優游在朝而人不知其心去國已久 情語練世務如此夫心雖欲去然方當其國有兵師 欲驗其去國之心弟於不受禄之日考之益可見 孟子傳

疾不瘳 若是公明儀曰文王我師也周公豈欺我哉今滕絕長 聖賢之教一而已矣內以此處心外以此處身上以 短將五十里也猶可以為善國書曰若樂不與財厥

此事君下以此接人觀孟子指齊王易牛之心與指

滕世子以性善之路豈有二道哉齊王寤於言下乃

有戚戚之問世子審於言下乃有於心終不忘之說

嗚呼學先王之道而直指人以要路其惟孟子守益

哉言至於此乃不知足之蹈之手之舞之也夫孟子 舜之本使人深味其遺言潛得其微指則夫吾目之 子直指齊王易牛為王者之心直指世子性善為堯 傳子思子思直指慎獨為天命之性子思傳孟子孟 印其大機猶指齊王易牛之心而陳堯舜之道於其 視色耳之聽聲鼻之聞臭四體之受安供其誰為之 既指性善之路使之脱然於言下又稱堯舜之道以 孟子博

其淵源來自曾子曾子直指忠恕為夫子之道曾子

前也此孟子之大機大用造化轉移爐鞴挺填之妙 其能變化運用於四海九州使人人皆被其澤哉齊 王恩足以及禽獸而功不至於百姓者以不能用也 幾也人皆可以為竟舜其是之謂與不有以警之則 也大道者肯也既指其性善處以警其心又稱堯舜 大哉用乎非孟子其誰識之夫齊王受孟子一警之 大其用則夫人人皆知有貴於已者乃與堯舜同 無所得不有以大之則彼不能行有得而不能行

歃

定匹庫全事

卷十

見孟子以何事哉以此心之不忘也復見孟子亦為 乎其間未能變舊習為仁義禮智之用所以疑堯舜 心則己有能指之者雖不能盡用其幾豈念念能忘 何事哉亦以此心之不忘也嗚呼使人不能指人此 子之復見時其心乍見天理之廣大而舊習猶往來 所指之人乎此益天理自然有不可解於心者夫世 世子受孟子一警之力至於自楚反復見孟子夫就 力雖不能行其道至於就見孟子幾有成湯之舉滕

灾足日事全書 一

孟子傳

决且安慰以滕可以為善國而引書樂不與眩之言 蓄縮不前委性善為堯舜之事而我無與子故稱成 覸吾何畏彼之言稱 顏子有為者亦若是之言稱公 以廓之直用其機不復疑慮藥力既大病勢頓消前 明儀文王我師周公豈欺我之言以助其氣以贊其 理哉何不直而推之舉而上之左右以大之何 而已矣我有此性竟亦有此性舜亦有此性豈有

之未易為也孟子又轉其幾日世子疑吾言守夫道

所自盡也曾子曰生事之以禮死葬之以禮祭之以禮 後行事然友之鄒問於孟子孟子曰不亦善乎親喪固 滕定公薨世子謂然友曰昔者孟子嘗與我言於宋於 心終不忘令也不幸至於大故吾欲使子問於孟子然 思之 仁由為義履為禮用為智守為信天下樂事其有過 於此者子余因世子之說乃盡發其幾有志者其試

日紛紛人欲因孟子一指之樂忽然不見而吾居為

我足也恐其不能盡於大事子為我問孟子然友復之 鄒問孟子孟子曰然不可以他求者也孔子曰君薨聽 友曰吾他日未曾學問好馳馬試級今也父兄百官不 國魯先君莫之行吾先君亦莫之行也至於子之身而! 之然友反命定為三年之喪父兄百官皆不欲曰吾宗 年之喪齊疏之服飦粥之食自天子達於庶人三代共 反之不可且志曰喪祭從先祖曰吾有所受之也謂然 可謂孝矣諸侯之禮吾未之學也雖然吾當聞之矣三

定四库全書

及至葬四方來觀之顏色之威哭泣之哀界者大悦 然是誠在我五月居廬未有命戒百官族人可謂曰知 之德草也草尚之風必 偃是在世子然友反命世子曰 之也上有好者下必有甚馬者矣君子之德風也小人 滕世子受孟子指性善之路遂大明天理之自然者 及定公薨其心見夫惻怛之心痛疾之意傷腎乾肝

灾足习事全書 一

孟子傳

五

焦肺割巨痛深非三年之喪不能少盡此心也乃知

於冢宰歐粥面深墨即位而哭百官有司莫敢不哀去

子遥見其心有在於此處然嘆曰不亦善乎親喪固 子將盡變滕國衰弊之息而大明一國之本心也孟 可行三年之喪與其己警之心參差不合欲取正孟 必信也故使然友問孟子然後行事其意見滕國不 見此理而人欲猶在未敢自以為是也將欲置之 自盡也且世子使然友問孟子然後行喪事未及 此心皎皎為不可掩將欲行之而私欲往來未敢

丘

先王制禮皆從天理中來非私智所能及也然雖曉

之服奸粥之食三代共之之說以印之世子聞孟子 來問孟子是此心之發見也故孟子直指其心而數 年之喪然世子天理雖明人欲未斷一為羣言交攻 之言與其已警之心胞合無間故斷然不疑定為三 之曰不亦善乎且引曾子之言與夫三年之喪齊裏 嗚呼此孟子所自知他人所不知也夫性善之路一明 則見先王之用乃知三年之喪天理所固有者今使 一話一言不知孟子何所見遽歎賞之日不亦善乎

策讀書然後謂之學問子余以是知世子天理雖明 其不能盡於大事故使然友復之都問孟子夫所謂 學問者果為何事哉欲求性善之路而已今孟子指 未當學問好馳馬試劔今也父兄百官不我足也恐 也嗚呼習俗之移人深矣哉夫三年之喪自有天地 示性善之路晓然有契於其心是即學問也必待挾 則又不能無疑也故父兄百官皆不欲且曰吾他日 人欲未斷者此也使其既斷則不復有疑疑者人欲

飲定四庫全書 一人

以來行之魯自莊公文公皆於喪紀中娶婦自是三 素治之微高見遠識之說子吁可怪也又曰喪祭從 之行吾先君亦莫之行也反以為至於子之身而反 年之喪不復行於時此風既成父兄百官聞見習熟 論廟堂大事事幾之會治亂之原彼又安得有早正 俗之見也所謂父兄百官者其智慮識見如此與之 之不可鳴呼是其心寧違三代之聖人不可少變流 不以為異見世子力行古道乃曰吾宗國魯先君莫 孟子傳

然友不能自决亦可憐也孟子再舉前日之意以贊 心易見雖晓然知三年之喪為天理之自然而兩遣 决又引書瞋眩以决其疑然而人欲未盡脱落故疑 子受孟子指性善之路復見孟子孟子知其疑心未 然至此烏能不動乎此世子所以再遣然友也夫 以先祖先君為口實將以不忠不孝加人非天理飲 祖流俗之人不可與語如此援引宗國以見看又 力舉成閱顏淵公明儀之言以助其勇以贊其

鉗

定匹庫全書 一

莫敢不哀先之也吾以一身先之其精誠感動則彼 從也益理義人心之所同然特未有以發之耳故曰 言又有風草之喻又有是在世子之語然則天理曉 言聽冢宰獸粥面墨即位而哭以實之且有先之之 心如風行草上雖曰無形而動蕩鼓舞有不能自己 如此倘直而推之舉而上之左右以大之誰敢不 不令而從雖無教語之煩丁寧之切彼將翕然同

其决曰不可以他求者也是在我而已又引曾子之

欽定四庫全書 人 者必無及至葬四方來觀之者見夫世子顏色之感 然此幾之動豈止一滕國而已哉見之者必聲聞之 見也復何辭讓之有五月居廬不言不為此幾一 當時疑心盡斷乃遽然曰是誠在我此又性善之發 性善之大用也嗚呼其微哉是在世子不可他求一 者精誠行於無形之中而感動見於有跡之後此又 百官族人心已服矣可謂曰知者皆曰知哉世子也 語已足以破其疑而大其用矣世子再聞孟子之言

宵爾索編並其來屋其始播百殼民之為道也有恒産 滕文公問為國孟子曰民事不可緩也詩云畫爾于茅 欲不變四海振起帝王之道可不於此而盡心乎 奏而鳳凰來高宗夢而傳說至成王悔而歲大熟皆 可得而知也性善之路其大如此嗚呼學士大夫將 人皆入此幾也審知此理則干羽舞而有苗格簫部 動盪有不能自己者其曰吊者大悦者又使四方之 聞夫世子哭泣之哀則夫理義之心人人發見鼓舞

陽虎曰為富不仁矣為仁不富矣夏后氏五十而貢 為已及陷乎罪然後從而刑之是罔民也馬有仁人在 人七十而助周人百畝而徹其實皆什一也徹者徹 者有恒心無恒産者無恒心苟無恒心放僻邪侈無不 歃 者籍也龍子曰治地莫善於助莫不善於貢貢者校 蔵之中以為常樂歲粒米狼戾多取之而不為虐則 罔民而可為也是故賢君必恭儉禮下取於民有制 定 四庫 全書一 殷

位

寡取之函年糞其田而不足則必取盈馬為民父母使

之皆所以明人倫也人倫明於上小民親於下有王者教也序者射也夏曰校殷曰序周曰库學則三代 觀之雖周亦助也設為库序學校以教之库者養也 行之矣詩云雨我公田遂及我私惟助為有公田由此 之使老稚轉乎溝壑惡在其為民父母也夫世禄滕 民的的然將終歲動動不得以養其父母又稱貸而益 必來取法是為王者師也詩云周雖舊那其命維 王之謂也子力行之亦以新子之國使畢戰問井

政 艇 滕壤地編小將為君子焉將為野人焉無君子莫治 人無野人莫養君子請野九一而 行吏必慢其經界經界既正分田制禄可坐而定 必自經界始經界不正井地不均穀禄不平是故 子曰子之君将行仁政選擇而使子子必勉之夫 關 以下必有圭田圭田五十畝餘夫二十五畝 助國中

Ē

誅紂伐奄為民也且夫孟子之心所以切切於民如 **嚴謹库序申孝悌使老者衣帛食肉黎民不饑不寒** 此者則以明性善之幾故也以孟子之心推諸聖賢 民也禹八年於外為民也湯征葛伐禁為民也武王 心無不以民為念如堯命義和為民也舜命九官為 翁之經營家業而愛惜兒女也及上考從古聖賢之 不負戴於道路不漂流於溝壑熟熟懇懇若田舍老 余當怪孟子拳拳於民至論植桑種田育雞服畜狗 君知聖賢之在此而不在彼也夫使不明其性善之 嗜殺人為英雄故力陳先王之所以愛民之術使人 夢專於放民又見夫戰國之時以奪土地為功業以 性善也告聖賢之資也皆天地之德陰陽之交思神 其心一皆見天下之人為天地之德陰陽之交思神 之會五行之秀氣也皆悦理義皆好懿德也故其規 其可實可愛熟有大於民子以孟子見天下之民皆 之會五行之秀氣其心與聖賢同悦理義同好懿德

之恒心係於恒産又論民之陷罪本於問民又論賢 之言且引詩于茅索為乘屋播殼之對為證而論民 之言印之則其行愈不疑矣孟子果有民事不可緩 大悦其用己稍稍行矣其有為國之問此必然之理 轉百官族人不悦之心為稱當陪四方來觀之心為 幾則已使其明性善之幾則心奉奉於民矣皆自然 也夫文公之心雖已曉然知以民為大事然得孟子 之理也滕文公受孟子一警之力乃力行三年之喪

欽定四庫全書

夏之道非不美矣而商人以為野商之道非不美矣 耳力而不繼之以六律而欲五音之正豈有此理乎 不漂流於溝壑而已然而為政而不遵先王之法猶 悌使老者衣帛食肉黎民不機不寒不負戴於道路 其大意本於植桑種田育雞豚畜狗蟲謹痒序修孝 而周人以為思一等先王之道又在乎聖賢觀時與 目力而不繼之以規矩準絕而欲方圓平直猶竭


君取民有制之說又論陽虎為仁不富之說為可取

歲之豐山以出飲法有年則公田之給足無年則脈 動不得養其父母而老稚轉子溝壑也若夫助法隨 者也觀其論夏商周貢助徹之法而又取龍子治地 之道為難大哉用乎非大聖賢其熟能之孟子能用 會斟酌審量而用之故論先王之道非難而用先王 之道乎夫貢法有仁心而未暇論仁術所以使民勤 之說力排貢法之非其策又引詩以力贊助法之可 行貶貢而褒助豈非觀時與會審量斟酌善用先王

歃

定四庫全書

道謨德四海之內父子相保兄弟相扶室家相好鄉 其効至於輕任并重任分班白者不提學君子者老 夫人倫之大三代設學不過如此而已其效至於君 吾則設為库序學校以教之以放其孝弟之心以明 貸之法行經歷語練利害是非至此而定矣雖有百 A. I TO MORE ALL AMAIN 不徒行庶人者老不徒食而朝廷之上垂衣拱手 君臣臣父父子子兄兄弟弟夫夫婦婦而天下定又 畝而徹亦大做助法而為之耳民既豐足恒心自生 孟子傳




中含藏蘊蓄陶冶延埴乾坤之造變化之神有千百 日月子多見其不知量也 耳無知小子輒敢妄議可謂人雖欲自絕其何傷於 非因文公畢戰之問何以見其萬分之一乎想其胸 為國之說有千百井地之學此特自管中見其一斑 夫孟子有如此學有如此造化乃不免少見於施為

欽

定四庫全書

**基子** 





点吉士 臣, 陳

**冰監生臣** 

朱

烺

墉

臣 張 能 胝

欽定四庫全書着要 孟子傅老十二

詳校官主事街上徐以坤



聖人也願為聖人氓陳相見許行而大悦盡棄其學而 其弟辛負未耜而自宋之滕曰聞君行聖人之政是亦 徒數十人皆衣褐捆屬織席以為食陳良之徒陳相與 欽定四庫全書養要卷二千九百九十二經部 孟子傳卷十一 2神農之言者許行自楚之滕踵門而告文公曰遠 人聞君行仁政願受一墨而為氓文公與之處其 張九成

灾足可重加 1

孟子傳

易械器者不為屬陶冶陶冶亦以其械器易栗者豈為 釜熊變以鐵耕乎曰然自為之與曰否以粟易之以粟 學馬陳相見孟子道許行之言曰滕君則誠賢君也雖 **光種栗而後食丹曰然許子火織布而後衣丹曰否** 倉廪府庫則是厲民而以自養也惡得賢孟子曰許子 然未聞道也賢者與民並耕而食養發而治今也滕有 以栗易之曰許子奚為不自織曰害於耕曰許子 衣褐許子兒子日冠日奚冠日冠素日自織之數日

者食於人天下之通義也當堯之時天下猶未平洪水 勞力勞心者治人勞力者治於人治於人者食人治 之事固不可耕且為也然則治天下獨可耕且為與有 之何為紛紛煞與百工交易何許子之不憚煩日百工 屬農夫哉且許子何不為陶治舍皆取諸其宫中而 人之事有小人之事且一人之身而百工之所為備 必自為而後用之是率天下而路也故曰或勞心或

横流氾濫於天下草木暢茂禽獸繁殖五穀不登禽獸

孟子傳

雖欲耕得予后稷教民稼穑樹藝五穀五穀熟而民 育人之有道也飽食煖衣逸居而無教則近於禽獸聖 瀹濟漂而注諸海決汝漢排淮泗而注之江然後中 馬舜使益掌火益烈山澤而焚之禽獸逃匿禹疏九河 可得而食也當是時也禹八年於外三過其門而不 個人歌蹄鳥跡之道交於中國堯獨憂之舉舜而敷治 欽 婦有别長幼有序朋友有信放熟日勞之來之臣之 有憂之使契為司徒教以人倫父子有親君臣有義 定四庫全書 哉亦不用於耕耳吾聞用夏愛夷者未聞愛於夷者也 巍乎有天下而不與馬堯舜之治天下豈無所用其心 惟天為大惟堯則之湯湯子民無能名馬君哉舜也魏 為已憂夫以百畝之不易為已憂者農夫也分人以財 以天下與人易為天下得人難孔子曰大哉堯之為君 謂之惠教人以善謂之忠為天下得人者謂之仁是故 如此而服耕乎竟以不得舜為已憂舜以不得禹畢陶 直之輔之翼之使自得之又從而振德之聖人之憂民

孟子傳

一舌之人非先王之道子倍子之師而學之亦異於曾子 築室於場獨居三年然後歸他日子夏子游子張以有 數十年師死而遂倍之昔者孔子沒三年之外門人治 者未能或之先也彼所謂豪傑之士也子之兄弟事之 陳良楚産也悦周公仲尼之道北學於中國北方之學 任將歸入揖於子貢相總而哭皆失聲然後歸子貢反 以濯之秋陽以暴之鶴鶴子不可尚已今也南靈鴃 似聖人欲以所事孔子事之强曾子曾子曰不可江

一徒或相什百或相千萬子比而同之是亂天下也巨優 之學亦為不善變矣從許子之道則市價不貳國中無 若麻縷綠絮輕重同則價相若五穀多寡同則價相若 偽雖使五尺之童適市莫之或欺布帛長短同則價相 矣吾聞出於幽谷遷於喬木者未聞下喬木而入於幽 優大小同則價相若曰夫物之不齊物之情也或相倍 谷者魯領曰戎狄是膺荆舒是懲周公方且膺之子是 小屦同價人豈為之哉從許子之道相率而為偽者也

定四車全書

惡能治國家 時已不可用是故正朔服色學校器械三代殊形夏 商異尚此天理之自然也通其變使民不倦神而化 之使民宜之事與幾合時與會通此大聖人之制作 不美矣舜之時已不可用舜之樂非不美矣至湯之 五帝殊時不相以樂三王異世不相襲禮夷之樂非 也當晚周之時聖人固將決擇三代之合於民心者 以立一王之法如所謂行夏之時乗商之輅服周之

欴 區區弁髦土梗無用之迹以蠱惑當世彼愚無知不 墨矣聖道散裂其弊乃至如此子然而彼不知其心 神農法度又講之不精擇之不詳乃有夷狄之法亂 足道也吾將提耳而告之曰神農聖人也使處晚周 定四車全書一人 其中非孟子力排之則於一楊墨之外又生出一 决見孟子之所為惟其情然不曉不知神農之心於 之世當亦如孟子之制作矣使許行真得神農之學 孟子 傳

冕樂則部舞許行何人輒欲變大聖人之制作而

聖人也願為聖人氓惜守滕地褊小不能盡充孟子 賢造化固己可知而滕文公性善之幾其見於用者 滕與楚相去幾數千里何以使我樂為其民乎則聖 遠方之人聞君行仁政願受一墨而為氓彼不思曰 之術使齊宣信孟子之說如滕文公則如楚之許行 **資耒耜區區自宋之滕且日聞君行聖人之政是亦** 乃能使人如此不特許行又能感召陳相與其弟辛 已為孟子造化所動乃自楚之滕踵門而告文公曰

所傳德音所感凡有人心者皆將稱負其子而至矣 則孟子所謂民歸之如水之就下此亦可見其一 孟子之說而惜齊王之不行其道也且許行既為文 也夫許行之來固未足多而陳相乃陳良之徒學周 公之氓受孟子之澤則當自鄙其學之淺西徙義遷 心豈可辱誣彼且來矣而況其他乎此余所以深信 公仲尼之道者也特其所見未固耳其好賢樂善之

五子專

宋之陳相一時號為有知者皆將四面而來而風聲

一欽定四庫全書 善盡棄其舊習以觀聖王之施為而猶自是其學而 决不若簫韶之音穴居野處决不若宫室之安書契 庫則是属民而以自養也嗚呼彼以並耕而食養食 然君民並耕宣得已哉事固自有次第且簧桴土皷 而治為大道守誠可笑也夫鴻荒之世其民若禽獸 非聖賢之大道乃曰滕君則誠賢君也雖然未開道 之精於結絕棺槨之美於衣新此數聖人因事之幾 也賢者與民並耕而食養發而治今也滕有倉原府

塗足同寒耕熟耘同供炊變之職同作饋餾之事宜! 盛儼如天帝尊如神明一旦乃令尊君下民同霑體 謝黻之色而宗廟之美百官之富堂陛之尊主璋之 不知陳相兄弟何所見聞而悦之夫簀将土鼓穴居 隨時之會乃至周而大備豈有帝王之世天下之民 耳之所聽者皆鐘鼓管絃之音目之所視者皆青黃 不大駭天下而起姦雄窺何之心乎其亦可謂愚矣

次至日華 全書

野處結絕衣新在上古行之不以為異使用於二帝

易械器不為病陶冶以械器易栗不為病農夫乎且 許子推不欲病民之心以病陷治何不自為陷治使 要處日子以為滕有倉廪府庫以屬民不知子以栗 為怪民為妖術在法當誅在聖門當絀此孟子所以 深惡之窮問話難往來數疊使其辭窮理極乃扼其 三王之後其可行子夫可行則為道不可行則為弊 何許子之不以為頗乎陳相乃曰百工之事固不可 用所須皆取辨於其家何為紛紛然與百工交易

為耕夫又為蠶婦又為弁人又為攻金之工攻木之 為乎汝不知夫有大人之職事則當勞心以治人治 之日百工之事固不可耕且為治天下獨可以耕且 耕且為也其理窮矣其辭盡矣乃又犯其要處以問 於人者食人此天下常行之理也况一人之身百物 人者食於人有小民之職事則當勞力以治於人治 工設色之工刮磨之工率天下之人終日捐捐暴露 所須汝以交相養為病則當事事物物皆自為之既

孟子傳

竟之職 也舜使益掌火以驅禽獸使禹疏九河以浅 當憂之則竟舍耕之外不為無事矣舉舜而敷治者 時洪水横流禽獸逼人堯當一味耕田而不憂乎既 稼穑又使契教民人倫竟又於其間勞之來之以勉 並耕而食養強而治坐受其養以為病民即當竟之 辛苦乃不為相病耳此豈可行乎汝以謂君不與民 勤勞匡之直之以正其心術輔之翼之使自得之 水則舜禹益舍耕之外不為無事矣又使稷教

欽定四庫全書

C ALD D MEL ZI ALIO TWI 盡其職則天下大治故堯以不得舜為已憂舜以不 宁夫君民上下各職其憂不可相易也君民上下各 得禹卑陷為己憂農夫以百畝之不易為已憂農夫 耕之外其職事如此何暇耕即使其如許行之學專 之憂舍百畝之外無事也人主之憂憂在天下其憂 天下幾何不盡為血肉為江海為水者也此豈可行 以耕為事則聖賢不用禽獸不問洪水不知人倫不正 孟子傳

以遂其天性又從而振德之以警其昏繆嗚呼竟舍

變夷者未聞 變於夷者也夫竟舜之道中國之道 舜之道以破許行之繆論然後責陳相兄弟所學之 甚大豈農夫可比也故為天下得人謂之仁不得人 無職事乎嗚呼堯舜之治天下豈無所用其心哉其 則天下謂之不仁是故以天下與人易為天下得人 不固而為異端所亂也其責之如何如日吾聞用夏 用心處在天下得人特不用心於耕爾孟子既明堯 汝見堯蕩蕩乎民無能名舜有天下而不與以

쉷

克匹厚白 TE

卷十

學乃周公仲尼之道當良自楚北學於中國其識見 高明議論中正北方之學者未有出其右者是所謂 許子之說夷狄之說也今相兄弟學於陳良陳良所 中國之學而悦夷狄之說豈不見孔子沒子貢築室 豪傑之士陳相兄弟事之數十年一旦良死乃盡意 見曾子不肯以事孔子之禮事有若且有江漢秋陽 於場獨居三年然後歸其不倍孔子之學如此又不 之喻其不倍孔子之學如此今許子所習者夷狄來

自南蠻言語僧稱有如歌去學之不精考之不詳乃 其源可謂見道分明無有疑慮一解一句皆自智楼 行宣得為善愛子余觀孟子窮話陳相使無逃避乃 今舍中國之道而學夷於舍周公仲尼之道而學許 弟乃學我秋夫狸變則豹豹變則虎所變愈大可也 學如下喬木而入此谷矣又周公膺戎狄而陳相兄 敢非先王之道陳相兄弟不審量考擊倍其師之所 大明堯舜之心其辭衮袞不斷其意滔滔不窮靜觀

欽定四庫全書

欴 卓異之觀正如終日行培樓而忽見泰華終年泛行 貳國中無偽之說且以布 帛無長短麻絲無輕重五 信當戰國權謀詭計縱横押置之中乃有如此奇特 穀無多寡以至屢無大小皆一等之價其意以為君 弟邪說深入心術顛倒猶有從許子之道則市價不 乃欲非之疑之晋之亦可謂不知聖賢者矣陳相兄 流出乃天下之至論古今之格言可歎可仰可遵可 定四車全書 而忽浮滄海使人心原廓大眼界通明後世之士 孟子傳

終身無優矣是教世之人以短取長價以輕取重價 黑而亂天下之常理也巨屢小屢同價則足跡大者 長短輕重多寡大小而一之是猶指鹿為馬以青為 日夫物之不齊物之情也或十百或千萬子乃欲比 之無知則已如其為人豈有不知長短輕重多寡大 小者乎邪說惡人乃至於此耶孟子又徐徐以喻之

民並耕則人心淳朴不復計較長短輕重多寡大小

以相交易矣天下豈有此理乎使天下如禽獸草木

貳不疑其有功於世道如此學者豈宜以輕心觀之 於此皆識見高明知其必為怪也如闢夷子之薄葬 行之且不可况於國家子嗚呼孟子不喜異端乃至 為隘指下惠為不恭指楊朱為無父指墨氏為無君 仲子之非產白主之務道張儀為妾婦以至指伯夷 以寡取多價以小取大價相率為偽以取贏餘一身 指許行為夷狄皆其中曉然所見明白故區别真偽 斷是非窮根極本盡窟穴而發之使利害皎然不

豈以為非是而不貴也然而夷子葬其親厚則是以所 尚病病愈我且往見夷子不來他日又求見孟子孟子 墨者夷之因徐辟而求見孟子孟子曰吾固願見今吾 保赤子此言何謂也之則以為爱無差等施由親始徐 賤事親也徐子以告夷子夷子曰儒者之道古之人若 曰吾今則可以見矣不直則道不見我且直之吾聞夷 子墨者墨之治喪也以薄為其道也夷子思以易天下

飲定四庫全書 ► 卷十一

非赤子之罪也且天之生物也使之一本而夷子二本 為若親其鄰之赤子子彼有取爾也赤子匍匐将入井 子以告夷子夷子憮然為間日命之矣 之掩之誠是也則孝子仁人之掩其親亦必有道矣徐 視夫此也非為人此中心達於面目益歸反藥裡而掩 壑他日過之抓狸食之蠅蚋姑嘬之其顏有此說而不! 子以告孟子孟子曰夫夷子信以為人之親其兄之子 故也益上世當有不葬其親者其親死則舉而委之於 钦定四庫全書

病病愈我且往見夷子不來他日又求見孟子孟子 子孟子曰夫夷子信以為人之親其兄之子為若親 夷之因徐辟而求見孟子孟子曰吾固願見今吾尚 其中乃知其編次脱易輒為改正之其文宜日墨者 此一章書顛倒失次自漢以來無有辨之者余深入 曰吾今則可以見矣不直則道不見我且直之徐子 何謂也之則以為愛無差等施由親始徐子以告孟 以告夷子夷子日儒者之道古之人若保赤子此言

R ALD and Lake 其鄰之赤子子彼有取爾也赤子匍匐將入并非赤 其親死則舉而委之於壑他日過之狐狸食之蠅蚋 子之罪也且天之生物也使之一本而夷子二本故 姑嘬之其顏有汎睨而不視夫汎也非為人汎中 親厚則是以所賤事親也益上世當有不葬其親者 思以易天下豈以為非是而不貴也然而夷子葬其 也吾聞夷子墨者墨之治喪也以薄為其道也夷子 心達於面目益歸反於捏而掩之掩之誠是也則孝 孟子傳

子仁人之掩其親亦必有道矣徐子以告夷子夷子 我心猶多奏之悦我口果不誣也夫夷之墨者之徒 **恤然為間日命之矣余讀此章乃知天生蒸民有物** 師之說執其師之見高設藩籬壁立畔岸惟恐有犯 有則民之東暴好是懿徳又知人之所同然者謂理 之者惟邪説深入故稍有詰難則議論鋒起勝負横 也義也聖人先得我心之所同然者耳故理義之悦 也感於墨者之說遂失其好德之性理義之心尊其

金页四厚全書

其所言則失之不情闢其所守則或以招禍乃遜其 浩然之氣發於施為者乃有如此變化學者以悻悻 乃因徐辟而求見孟子孟子未知其人已知其學就 生人懷怒心如報私讐此可與言乎今不知何所見 為直子子為義自以為浩然者如是豈不失錯嗚呼 且往見其言如南風使人愠解曲而不絀婉而成章 詞乃下其氣以答之曰吾固願見今吾尚病病愈我

灾到野好的

孟子博

聖賢之待非類其法如此不可不知也既而孟子

孟子之學真有過人者所以屢卻而屢來孟子乘其 夷之他日又求見孟子孟子則有以處之矣夫其心 學者是其心之不安也因其不安處可以救藥矣至 夷之莽其親厚是稍變其師之學矣夫稍變其師之 不安則知其師之學不可行知師之學不可行則恐 見我且直之徐子以直之之語告夷子稍犯其鋒議 機會乃曰吾今則可以見矣向之不見以其為墨者 之徒今之欲見以其有厚葬之說又曰不直則道不

聰精於一者行於萬事父母之禮其爱慕之心勤勞 下之親為己之親嗚呼目不兩視而明耳不兩聽而 論即起而勝負即生矣乃攻先王之道曰儒者之道 事之如己父母則意必有所怠情必有所抑而作偽 古之人若保赤子此言何謂也之則以為爱無差等 之職止可精專於一人耳倘視天下皆為父母人人 施由親始嗚呼儒墨之異乃在於此墨子之學以天 之心難知之行將乘此而起矣先王老吾老以及人 孟子傳

鱼定四月 白 Tr 見也教誨弗聞也而以其不情之見欲取天下之名 帛七十者食肉耳豈能人人如事吾父母冬温夏清 乃視天下皆同己父母將置吾父母於何地其忍為 為吾父母不知此情何自而生撫育弗見也保惠勿 保惠之切教誨之至天下一人而已矣今視天下皆 遍走天下人人事之乎且吾父母之於我撫育之勤 昏定晨省飲膳之節寒暖之宜雞鳴而起深夜而寒 之老者止極其所行在於五十者不負戴六十者衣

· 足曰事全書 名言哉今視天下之子同己之子將人人撫育人人 其蹈水火之害惟恐其行邪枉之塗丁寧防衛豈可 亦同己之子矣直可笑也夫父母之於子念慮在子 保惠人人教誨上事天下之父母下爱天下之赤子 出入在子撫育之保惠之教誨之其心切切然惟恐 此心乎其視天下之親同已之親則將視天下之子 此豈可行耶先王幼吾幼以及人之幼不過發政施 不知墨子之身止一身子其亦有異術為億兆身子

墨子所以有此言彼亦有所見也弟考之不精擇之 信以為人之親其兄之子為若親其鄰之赤子乎夫 有父母吾乃欲奪人之子以為己子乎愛無差等是 有怵惕惻隱之心欲急趨而救之此時之心見鄰之 道夫其所見者何也其見鄰之亦子匍匐入井忽然 不詳遂不可行於天下為那說為異端為禽獸人之 仁如幼而無父者必先施耳其道當如此也使其自 何繆論孟子不暇遠取且就其近處而譬之白夷子

赤子如己之赤子也不知此亦人心之自然耳夫赤 接何為而不救之乎此特一時之心耳至於久其無 子無罪一旦無知入於死地尚吾手足之力可以救 育久其保惠久其教誨其能與己子同乎夫天之生 麥其氣不同故吾之子與吾父祖之氣同他人之子 則自與其族類同是天之生物也使之一本而夷子 物也烏子皆黑鵠子皆白桃之不生李而殼之不産 以私智亂之乃欲爲子為白子鵠子為黑乎桃為李

五子博

穀為麥子人之子為己之子而有二本子其理曉然 將以師之說為非胡為尊其師之說執其師之見以 義之心與其師之學不同處以警之其警之如何日 無可疑者既攻其僻見偏辭矣乃提其好德之性理 吾聞夷子墨者墨之治喪也以薄為其道也夷子之 以薄葬為貴以厚葬為賤胡為夷子以賤事其親子 獨厚葬其親以倍其師之說將以師之說為是墨子 心思以此薄葬易天下矣然而夷子已自不可行而

欽定四庫全書 一

之日上世葬親者舉之於壑此正墨子之道也他日 過之見狐狸食其親蠅奶嘬其親其顏有此睨而不 之曰夷子厚葬之心有自來矣孟子即其心而大明 心也先王之道也夷子行之而不自知乃極力而語 誠之發見也故曰誠是也其意以謂欲識誠子益在 而掩之掩之之心何心哉孟子指之曰掩之之心乃 忍視夫洲也非為人此中心達於面目乃歸反虆裡

孟子傳

非儒者之道乎夫厚葬之心乃好德之性也理義之

子要領則善言以卻之及既得其葬親之心則數語 道矣夷子聞之其本心發見知儒者之道正在於此 是耳夫其顏有此睨而不視此好德之性禮義之心 嗚呼余觀孟子能用先王之道類皆如此方未得勇 與吾以合此其所以憮然自失其師之說為間以 儒者之道益在此也墨子之道欲絕人子爱親之心 於孟子之道不覺發言以歸誠曰聽孟子之所命矣 就其殘忍之說不知孝子仁人之掩其親亦必有


쉷


定

匹

庫全事

卷十





辭御者且羞與射者比比而得禽獸雖若丘陵弗為也 不可曰吾為之範我馳驅終日不獲一為之說遇一 命曰天下之良工也簡子曰我使掌與女乗謂王良良 告王良良日請復之强而後可一朝而獲十禽嬖奚石 乗終日而不獲一禽嬖奚反命曰天下之賤工也或以 枉尋直尺而利亦可為與昔者趙簡子使王良與嬖奚 招而往何哉且夫枉尺而直尋者以利言也如以利則 而獲十詩云不失其馳舍矢如破我不貫與小人乗請

如枉道而從彼何也且子過矣枉已者未有能直人者 等先驅郊迎側行其見禮如此考其所學非陰謀 余觀孟子之時商鞅得志於秦而張儀繼之孫臏得 隸秦得志於六國腰佩六印坐謀輜車時君世主擁 志於齊而鄒行淳于髡田駢接子慎到環淵又繼之 取為功業殺人為英雄孟子所學乃二帝三王之道 即縱横押闔駕傾河之辯肆無稽之談大要以進

孟子傳

欽定四庫全書 | 當世所貴乃鬼蜮豺狼之術則不見諸侯意可知矣 孟子獨不見諸侯宜似夫編小而不疎通廣大也誠 陳代徒見商軟孫贖蘇張稷下諸公談笑取將相今 其招不往以及代好利之心次以王良羞與嬖奚亲 往豈有為士君子不待招而往乎夫所謂招者非如 以攻代枉道之志孟子大意以謂虞人尚非其招不 見之一言遇合大可以為伊周小可以為管曼故 在尺直尋之志以動孟子馬孟子先以虞人之非

狗晁謹庠序修孝悌使老者衣帛食肉不負戴於道 禮門也惟君子能由是路出入是門也今當世諸侯 而枉道以從彼乎夫所謂道者植桑種田育雞豚畜 下輩流耳又以謂王良羞與嬖奚垂豈有為士君子 以進取為功業以殺人為英雄禮義安在哉是其所 路黎民不饑不寒不漂流於溝壑此所謂道也此孟 拍賢者非其具也故其所得特商鞅孫曠蘇張稷 A duto 孟子傳

擁等先驅郊迎伏謁之謂也禮義而已矣夫義路也

金定匹庫全書 道乃不待招而往乃枉道以從人乎至於道之將行 得志吾豈可在道以從彼反不如一御者乎夫虞人 子之志也當世諸侯方以燒夷陵取鄙野今日虜公 號為大儒而事梁冀祝欽明號為明經而事兩張是 樊並通尚書而為劇賊劉歆通春秋而附王莽馬融 道之將廢有命存馬其所以自守者安可一朝變也 子印明日屬公子申今日殺四十萬明日坑百萬為 知守其節御者知守其法豈有為士大夫學聖王之

景春曰公孫行張儀豈不誠大丈夫哉一怒而諸侯懼 戒之曰往之女家必敬必戒無違夫子以順為正者妄 安居而天下媳孟子曰是馬得為大丈夫子子未學禮 乎丈夫之冠也父命之女子之嫁也母命之往送之門 曾犬晃之不如鲁何敢望齊之虞人趙之御者子以 孟子此志觀之則夫交結非類依附檢人而要功名 而取富貴者皆虞人御者之所羞也其可不自傲乎

婦之道也居天下之廣居立天下之正位行天下之大

孟子傅

道得志與民由之不得志獨行其道富貴不能淫貧賤 不能移威武不能屈此之謂大丈夫 歌喧弊陋獨推仁義之尊高非其中皎然明白安能 妾婦儀衍蚓仲子而禮匡章貉白圭而於許子一 自 聖王道絕習俗風頹以管晏為萬明以儀行為丈夫 何惟孟子於頹垣破塹中獨守聖王之道羞比管晏 以仲子為亷以臣章為不孝白主自謂過於禹許行 謂聞大道各以私智恣為偃蹇紛然四起莫之誰

欽定四庫全書

الملية الألمام والمالية 士倡督責之說起骨肉之誅至於誹謗者族偶語者 盛一傳再傳至趙高李斯而極力行之燒詩書殺學 市慘刻之政至两漢而未除反脣之誅武帝行之南 行其志而商鞅之學大得志於秦其身雖七其學猶 而賊則屏之遠方誅之兩觀不疑矣惟其終不得少 其道之不行也使其道行彼是數子者固將收召之 以愛其心術隨其才之長短而用之見僻而堅怙終 孟子傳

發為深見遠識以區別真偽判斷是非如此乎惜乎

闔之術膏車秣馬曳紫拖金馳騁於六國天下皆見 見孟子大有功於名教也且儀行以口舌之辯行押 然並行則天下之民為血為肉何時而已乎此所以 其一怒而諸侯懼安居而天下媳皆稱其為大丈夫 投隙志在取富貴而邀爵禄耳是其為術豈有他法 惟孟子知其本心不復問理義所向阿狗尚容乗間 耳其禍猶如此之烈使此數人者不經孟子之誅紛 山之詩宣帝戮之此鞅之遺禍也夫商鞅一派之學 四庫台書

金

定

態是何大丈夫之有乎夫道合則從不合則去其用 我也則行大中至正之路以竟舜其君士君子其民 故居天下之廣居立天下之正位行天下之大道惡 體裕如也獨行其道如此視富貴貧賤威武皆空中 不用我則悉而懷之物格而意誠意誠而心正心正 有居側帽立邪僻行詭詐以問人主而亂天下乎其 而身修身修而家齊根於心見於面盡於肯施於四

哉專順人主之意操旁僻曲私之心行妻孥妾媵之

周霄問日古之君子任子孟子曰任傳曰孔子三月無 **欽定四庫全書** 為大丈夫而孟子乃見其為妄婦是孟子之見回出 丈夫者如此以此而論則行儀直妄婦耳天下方稱 尋常之外而非凡心俗慮之可知也而非之而疑之 而詈之可乎 塵耳其來其去何足以為吾輕重哉古之所謂大

君則吊三月無君則吊不以急子曰士之失位也猶諸

君則皇皇如也出疆必載贄公明儀曰古之人三月無

夫之耕也農夫豈為出疆含其未耜哉曰晉國亦任國 無田則亦不祭姓殺器四衣服不備不敢以祭則不敢 以宴亦不足弔子出疆必載質何也曰士之仕也稍農 為衣服犧牲不成姿盛不潔衣服不備不敢以祭惟士 侯之失國家也禮曰諸侯耕助以供粢盛夫人蠶繰以 母之心人皆有之不待父母之命媒妁之言鑽穴隙 也未曾聞仕如此其急仕如此其急也君子之難仕 日丈夫生而願為之有室女子生而願為之有家父

孟子傳

也又惡不由其道不由其道而往者與鑽穴隙之類也 窺踰墙相從則父母國人皆賤之古之人未當不欲仕 受其禄未幾而輒去深合其意以謂古之君子類皆 謀說許縱橫押闔其得志者皆市井風僧問卷小人 孔子三月無君則皇皇如也出疆必載質又引公明 不仕也故發為問曰古之君子仕乎孟子曰仕傳曰 超然有離絕遠去之心見孟子不見諸侯雖見而不 深味周霄之言想見其為人見當世仕宦者類皆權 定四庫全書

子深疾荷像文人之徒故曰不仕無義長幼之節不 官與意不合深欲脱去而不可得乃聞三月無君則 儀三月無君則吊之語以答之周霄之心見當時仕 將為長沮禁溺荷養荷樣之徒而非聖人之道也孔 男之語又與其意大不相**件故曰三月無**君則吊不 疎爽不汲汲於富貴不威威於<br />
貧賤者也充其所見 所輕重矣余觀雪之為人亦志為君子也其心高遠 以急子以此為急則知其於當世仕官悠然自守無 孟子傳

歃 三月無君則用也夫士之失位猶諸侯之失國家其 臣為重仕則君臣之義明君臣之義明則父子兄弟 倫君子之仕也行其義也道之不行已知之矣是聖 可廢也君臣之義如之何其廢之欲潔其身而亂大 定匹庫全書 | 人之道其急於仕者非貪禄而慕位也人倫之大君 婦朋友之倫一皆大明而不昧何樂如之此所 如此諸侯失國家則無耕助以供粢盛無蠶繅

為衣服犧牲不成矣粢盛不潔矣衣服不備矣其敢

**飲定四車全書** 義乃未喻出疆載質之義也故又更端而問之孟子 於人類所以皇皇所以可思也實雖聞三月無君之 患如此之大使吾祖宗不得血食不忠不孝難以齒 倒失序也士之不仕則無田以供深盛以至牲殺器 日士之仕也猶農夫之耕也農夫豈為出疆舍其来 四衣服一皆不備不敢以祭亦不敢以宴夫不仕其 ₹五子·傳

是知君臣之義不明則父子兄弟夫婦朋友一皆顛

以祭子是諸侯失國家則五廟祖宗皆不得血食矣

相哉夫質所以見君也出疆載質見念念之不忘君 載質之義哉雪平日見馳車擊戰腰金曳紫之人類 也古之人在歌敬猶在朝廷不忘君拳拳之義也所 害道賊君臣之大義亂人倫之常經彼又惡知出疆 弗告君以善也永矢弗該者自誓弗忘君過也那說 地而坐即漢車者見念念不忘君也而世之說詩者 以蘇武使匈奴十九年不舍漢節范泰終身不履魏 日永矢弗過者自誓弗過君門也永矢弗告者自誓

孟子不見諸侯見而不受其禄受其禄不久而輒去 皆乗時射利陰險傾邪乃超然不以仕官為意以謂 夫子三月無君則吊出疆必載質之義乃見孟子反 自謂與其意暗合疑古之君子類不以仕為意及聞 之大義不由其道又臣子之所羞惟其惡不由其道 如此其急與其意大相好矣故曰晉國亦吾所仕之 子之難任何也孟子乃以謂任如此其急者乃君臣 國也平生未曾聞仕當如此其急仕果如此其急孟

大臣司事私書

孟子傳

彭更問日後車數十乘從者數百人以傳食於諸侯不 幸耶然則善用先王之道又於此可以觀孟子 然揮之不去招之不來一由於禮義而已矣雪亦何 義又聞不由其道之訓足以遂其自好之心悠然蕭 事君者也雪因此問得聞仕如此其急大明君臣之 此孔子所以不主癰疽與齊環惟仕如此其急此夫 之喻乃指商鞅孫曠蘇秦張儀稷下諸公不以正道 子所以適齊適節適楚適宗而不敢已也然則穴窺

事而食不可也曰子不通功易事以羡補不足則農有 道則舜受堯之天下不以為泰子以為泰子曰否士無 梓匠輪與其志將以求食也君子之為道也其志亦將 而不得食於子子何尊梓匠輪與而輕為仁義者哉曰 此有人馬入則孝出則弟守先王之道以待後之學者 餘栗女有餘布子如通之則梓匠輪輿皆得食於子於 以求食與日子何以其志為哉其有功於子可食而食 以泰丹孟子曰非其道則一節食不可受於人如其

钦定四車全書

孟子傳

志也食功也 **墁其志將以求食也則子食之乎曰否曰然則子非食** 羞衆以儀行為大丈夫孟子獨謂之妄婦衆以不朝 同衆以陳仲為廉孟子獨以為蚓衆以臣章為不孝 孟子識見高遠超然出一世之外故每事與衆人不 王為不敬孟子獨以不談仁義為不敬衆以君命及 孟子獨加之以禮衆以管晏為大功孟子獨以為可

之矣且子食志乎食功乎曰食志曰有人於此毀尾畫

N A. I S I I I d. In I W 仁義而食彭更見梓匠輪與為食志孟子乃見為食 泰孟子乃見以為道彭更見無事而食孟子乃見為 者彭更後車數十乗從者數百人傳食於諸侯以為 秦張儀稷下諸人陰謀詭計之陋而獨振先王之道 於頹弊之中也此余所以拾其遺跡每事三數之而 人不同使其得志必能盡掃當時商鞅孫臏陳彰蘇 切悲夫後世不知孟子之心也今其所見又有異馬 孟子傳

不俟駕為禮孟子獨以德齒為禮是其所見迎與衆

蘇張稷下諸人惟恐學之不及而風俗薄惡日趨於 深知王道之所在所以直指植桑種田育雞豚畜狗 鬼魅之地禽獸之心將血肉吾民夷狄吾中國可勝 悲哉惟孟子所見如此所以養氣所以知言所以能 彼以為志此以為功是孟子之所見超然獨異於衆 <u> 疑謹庠序修孝弟使老者衣帛食肉黎民不機不寒</u> 功夫彼以為泰此以為道彼以為無事此以為仁義 也惟衆人所見如此所以俗氣不除皆景慕商

**節定四車全書** 能指數子之病而一開當世之耳目也嗚呼彭更其 為食志孟子又直指此見為食功且有毁死畫墁之 弟守先王之道梓匠輪輿之説向見食梓匠輪與之 亦何幸乎向見後車數十乗從者數百人之為泰孟 而食為不可孟子又直指此見為仁義且有入孝出 子乃直指此見為道且有尊食天下之說向見無事 說自此以往所見皆新不離跬步不動毫芒轉泰為

不員戴於道路不漂流於溝壑為王道也孟子所以

萬章問曰宋小國也今將行王政齊楚惡而伐之則如 之何孟子曰湯居毫與葛為鄰萬伯放而不祀湯使 孟子之用而發之 乎不知果能如余之所云耶会不能考其必然故就 說其視孟子所為一皆先王之大道嗚呼更亦何幸

道轉志為功轉無事為仁義其視當世之學一皆邪

伯食之又不以祀湯又使人問之曰何為不祀日無以

之曰何為不祀曰無以供犧牲也湯使遺之牛羊葛

**餉殺而奪之書曰萬伯仇餉此之謂也為其殺是童子** 要其有酒食黍稻者奪之不授者殺之有童子以黍肉 也湯始征自葛載十一征而無敵於天下東面而征西 之望雨也歸市者弗止芸者不憂誅其君甲其民如時 夷怨南面而征北状怨日奚為後我民之望之若大旱 而征之四海之內皆曰非富天下也為匹夫匹婦復讎 雨降民大悦書曰後我后后来其無罰有攸不為臣東

n.) To make the data |

供染盛也湯使毫衆往為之耕老弱饋食萬伯率其民

征緩厥士女匪厥玄黃紹我周王見休惟臣附於大己 為君齊楚雖大何畏馬 行王政云爾的行王政四海之內皆舉首而望之欲以 我武惟揚侵于之疆則取于殘殺伐用張于湯有光不 周其君子實玄黃於匪以迎其君子其小人軍食壺歌 以迎其小人放民於水火之中取其殘而已矣太誓曰 年為弟偃所攻偃立十一年自立為王東敗齊取五 孟子見齊王時乃宋剔成三十八年剔成立四十

齊沿與楚魏伐宋殺王偃遂滅宋三分其地以是觀 城南敗楚取地三百里以時考之萬章所問宋行 諫者颠射之於是諸侯皆謂之無宋偃立四十七年 之偃又安知王政豈偃自篡立之後抑情飾詐欲以 抑豈萬章稱道時正王偃修飾時乎皆不可知也觀 <u>ا</u> 以章囊縣而射之命日射天淫於酒與婦人羣臣 正偃之謂也偃自東敗齊南敗楚西敗魏之後盛 政收人心乎豈初年克己晚咸盈溢而至滅亡乎 wat de dua 1 孟子傳

孟子答萬章之問言湯先盡其在我故十一征而無 者皆要名節詐而非其真也使王偃果行王政自致 能盡其在我徒恃兵革未能服人之心其所謂王政 政乎又言武王出而東征君子實玄黃小人具單壺 敵於天下豈孟子見王偃身為篡逆之賊詎可行王 知格物誠意正心來必不篡君而自立既篡君自立 人不服乎味此两段則知王偃之為人徒恃血氣未 迎周之師豈孟子見王偃未知修德遽欲伐人而

四屋生工

未敗時見之矣然則矯情節許者徑何為哉止足以 齊惡其詐欲自東來討楚惡其許欲自南來討孟子 宋則為楚魏所殺以至滅其國分其地者已於王偃 復欲竊取王政之名以欺天下嗚呼天下安可欺乎 射諫者皆其晚歲真情發見也然則以孟子之不許 王偃胸襟所蓄者孟子知之略無餘藴矣則其射天 四海皆舉首而望之欲以為君齊楚雖大何畏馬是 知王偃之心出於詐故曰不行王政云爾的行王政

E

山山山山

孟子傳

大夫於此欲其子之齊語也則使齊人傳諸使楚人傳 孟子謂戴不勝曰子欲子之王之善與我明告子有楚 殺其身而已爾

諸曰使齊人傳之曰一齊人傳之衆楚人咻之雖日控

撻而求其楚亦不可得矣子謂薛居州善士也使之居

於王所在於王所者長幼甲尊皆薛居州也王誰與為

不善在王所者長幼甲尊皆非薛居州也王誰與為善


而求其齊也不可得矣引而置之莊嶽之間數年雖日


**飲定四庫全書** 薛居州獨如宋王何 為偶日夜謀伐齊伐楚伐魏荒於酒淫於色射天射 考孟子所言如此則是王偃惡跡已露己與衆小人 獨孟子知其決不能善終且以湯武之舉形迹其本 之小人哉然方當王偃作偽之日萬章以為將行王 諫者之心已不可遏矣薛居州雖賢者豈能勝衆多 心又以齊楚之喻推明其所好是於二子稱許之時 政戴不勝又區區欲王為善是二人者皆信其然矣 孟子傳

薛居州者益欲借以為節許之具也昔明皇初即位 篡立心術之邪如此亦安得不與犀小處哉尚容一 其所趨向其所避就正也安得不喜正人而惡邪士 子高見遠識迥與常人不同也且心術之不可不正 子心術那則其所起居邪也其所好惡邪也其所趨 也久矣夫心術正則其所起居正也其所好惡正也 向其所避就邪也安得不喜邪士而惡正人乎王偃

孟子已知其殺身滅國為人分其地矣此所以見孟

志在社稷相姚崇宋璟朝廷清明天下無事安得 資也以小人在上呼吸羣類覆出為惡一薛居州其 與小人信乎在人主心術之邪正王偃心邪小人之 有小人及惑惠如其志肆矣相牛仙客而遠張九齡 麥亂弟觀入主心術如何耳儻君有願治之心吾則 如之何哉惟大人之事君不問小人之満朝政事之 」則天下之治亂信乎在用君子與小人而用君子 一意於李林甫雖韓体在朝亦何能為哉以是觀





校對官庶吉

監生 E 朱 監生 E 朱 能

塘

凡

烺

欽定四庫全書首要經部

詳校官主事街日徐以坤

欽定四庫全書舊要卷二千九百九十四經部 得受於其家則往拜其門陽貨關孔子之亡也而饋孔 子燕豚孔子亦觸其亡也而往拜之當是時陽貨先豈 可以見矣陽貨欲見孔子而惡無禮大夫有賜於士不 孟子傳卷十三 五問曰不見諸侯何義孟子曰古者不為臣不見 木踰垣而 辟之泄柳閉門而不內是皆已甚迫斯 孟子傅 張九成 撰

養可知已矣 觀其色赧赧然非由之所知也由是觀之則君子之所 說築巖召望釣渭曷嘗僕僕走人門户哉成渴救民 侯之門以謂士之處世當如是耳不知伊尹耕華傳 鞅孫曠陳較蘇秦張儀稷下諸人馳車擊戰奔走諸 不見諸侯之問陳代公孫丑萬章更相致疑於孟子 以此見習俗移人雖居聖賢之門洗除不去彼見商

得不見曾子曰脅有韶笑病於夏畦子路曰未同而言

灾匹厚全 11

見諸侯乃古人之道例當然耳寡見淺聞動輒致疑 陳堯舜之道應霖雨之求作鷹楊之舉則孟子之不 良可悲爾然見與不見古人不以是分優为也理在 而至於智故力之外又有巧智之外又有中豈可一 丑萬章致問之時亦非自萬也學至於聖不已又學 可見見深惠見齊宣非屈也理在不見如陳代公孫

高宗中與文王行仁或三聘或肯形或親訪然後為

钦定日華全書 一

孟子傳

途取哉以是而求則見與不見皆非所以知孟子也

脅有韶笑子路之所謂未同而言彼將以見為通而 見之干木泄柳豈知此義乎一於見如曾子之所謂 臣不見然不見死法耳其中又有變化馬一於不見 於道為不合也此陽貨有賜於夫子夫子則順禮以 如段干木踰垣泄柳閉門彼將以不見為高而不知 今公孫丑致問孟子引古人之例答之曰古者不為 而辭之看有韶笑未同而言之流豈知此義子公 知於道為失節也此齊宣不就見孟子孟子則以

たこり 有所見則不為段干木泄柳之固有所不見則不墮 中雖見何益益君子所養養其理義而已理義既明 矣將以見為是乎孟子乃又舉曹子子路之言是又 天下弟觀人主用心為如何其心虚則可見自實其 則未可以見也吾知格物以致知致知以誠意誠意 以不見為是矣然則吾將何處乎迫斯可以見未迫 以正心正心以修身修身以齊家而己至於治國平 יישור קיז קייוט | 孟子傳

孫丑問不見諸侯孟子乃非干木泄柳是以見為是

後已如知其非義斯速己矣何待來年 之日是非君子之道日請損之月攘一 年然後已何如孟子曰今有人日攘其鄰之雞者或告 戴盈之曰什一去關市之征今茲未能請輕之以待來 發明孟子之學庶幾知所擇馬 曾子子路之言顧理義如何爾非聖而又智至而又! 中力而又巧者安能至此地哉余因公孫五之問又 余讀史記考孟子時所謂宋王者剔成立三十八年 雞以待來年然

市之征子余嘗論之日豈偃自篡立之後抑情節許 乎抑豈萬章稱道時正王偃修飾時乎以史考之不 以王政次人心乎豈初年克己晚歲盈溢而至滅亡 魏楚所滅三分其地安得行王政用薛居州而去關 敗都南敗楚西敗魏荒酒濫色射天射諫者卒為齊 自立為宋君則萬章之問宋行王政戴不勝欲宋王 之為善戴盈之欲去關市之征皆王偃時也夫偃東

而齊宣王即位四十一年為弟偃所攻敗而奔齊偃

IC all a sent to date T

孟子傳

金页四月全書 惡知其非有耶孟子雖知其必敗有湯武之說以畿 有蹈之則為君子背之則為小人使偃久假而不歸 關市之征所謂行王政者可見於此夫仁義何常之 情節許以益前愆也何以知之至欲行什一之法去 義斯速已矣何待來年之說其意甚遠其來甚深使 說以切勵之然安敢不告以善道也故有如知其非 見其實今以戴盈之問乃知王偃果自篡立之後抑 斤之有衆楚人之説以抵熊之今又有日攘一 卷十三

待來年之語乃知人不能無過不知其為過尚可言 言以自做安知不疾趨急策以向王者之路乎嗚呼 皆無志之人甘與惡為徒侣者也孔子曰惡不仁者 來捨而復取謂今日而有明日謂今年而有明年是 也曉然知其為過詎可不離絕遠去如避涕嗎如逃 王偃之能不能已可見矣余思孟子攘鷄之說有何 水火如却盜賊乎倘惟宿留不前凝滞不散去而復

王偃不能行此言猶在也諸侯有欲行王政者舉斯

**尺已日年在書一** 

孟子傅

是乎余因攘雞之說乃力排去惡之疾以為士君子 特無志之人耳斯速已矣非深惡不仁之君子能如 尚也然所以能如此者以能用其力也我未見力不 於仁矣乎我未見力不足者以謂惡不仁者其誰乎 其為仁矣不使不仁者如乎其身有能一日用其力 足者是人人皆有去惡之資也其不能斷然速去者 之甚至不使不仁者加乎其身嗚呼其惡如此直可 即仁也直指之故曰其為仁矣何以知其仁也惡之

欠口匠

公都子曰外人皆稱夫子好辯敢問何也孟子曰予豈 之戒

時水逆行汎濫於中國蛇龍居之民無所定下者為果 好辯哉予不得已也天下之生久矣一治一亂當竟之 禹掘地而注之海驅蛇 龍而放之道水由地中行江淮 上者為營窟書日泽水警会海水者洪水也使禹治之 河漢是也險阻既遠鳥獸之害人者消然後人得平土

而居之堯舜既沒聖人之道衰暴君代作壞官室以為

孟子傳

暴行又作園囿汙池沛澤多而禽獸至及紂之身天下 汙池民無所安息棄田以為園面使民不得衣食那說 庫

悦書曰丕顯哉文王謨丕承哉武王烈佑啓我後人成 海隅而戮之滅國者五十驅虎豹犀象而遠之天下大 又大亂周公相武王誅紂代奄三年討其君驅飛亷於

以正無缺世良道微邪說暴行有作臣就其君者有之

故孔子曰知我者其惟春秋乎罪我者其惟春秋乎聖 子就其父者有之孔子懼作春秋春秋天子之事也是

充塞則率獸食人人將相食吾為此懼開先聖之道距 道不息孔子之道不著是邪說誣民充塞仁義也仁義 是無父也無父無君是禽獸也公明儀曰庖有肥肉處 下之言不歸楊則歸墨楊氏為我是無君也墨氏兼爱 有肥馬民有機色野有餓莩此率獸而食人也楊墨之 王不作諸侯放恣處士横議楊朱墨翟之言盈天下天 楊墨放淫辭邪說者不得作作於其心害於其事作於

一次定四車全書

行放淫解以承三聖者豈好辯哉予不得已也能言距 楊墨者聖人之徒也 無父無君是周公所膺也我亦欲正人心息邪說距該 而亂臣賊子懼詩云戎狄是膺荆舒是懲則莫我敢承 而天下平周公兼夷狄驅猛獸而百姓寧孔子成春秋 賊子其為褐患顯然可見至於楊墨之害豈可以洪 實效夫禹抑洪水周公無夷狄驅猛獸孔子誅亂臣 世之論者皆疑孟子以關楊墨為承三聖以空言配

忘六親而父子相親兄弟相爱患難相保之風七矣 亡矣民有二男以上不分異者倍其賦此令一行民 姦者與斬敵首同賞 匿姦者與降敵同罰此令一行 之命令民為什伍而相收司連坐不告姦者腰斬告 福於千百世之後猶未已也且以商鞅論之定變法 臣賊子之害見於一時而楊墨之害起於無形而貼 民相告許而出入相友守望相助疾病相扶持之風 水亂臣賊子猛獸為比哉余竊謂洪水夷狄猛獸亂 五子時

一 欽定四庫全書 猶在借父耰鋤處有徳色母取箕帶立而許語以至 侯逮至始皇而燒詩書殺學士至二世而倡督責之 宗室非有軍功論不得為屬籍此令一行民忘禮義 有軍功者各以率受上爵為私關者各以輕重被刑 說起骨內之誅天下蕩然無復人理至西漢而秦風 孌薄之心無忠厚之氣挾兵恃力并 吞天下 傾軋諸 相告許民忘六親民忘禮義此風既成習俗浮刻有 以力相夸以智相勝以謀相軋之風起矣夫使民

賊子夫復何疑竊曾考之孟子諄諄欲去楊墨求之 學其得志於當世者果安在哉余細思之乃得其說 當世特墨者夷之一見於七篇之書耳所謂楊墨之 此之久乎則夫楊墨之害比洪水與夷狄猛獸亂臣 之遺禍也夫洪水夷狄猛獸亂臣賊子之害詎至如 反唇之誅武帝行之南山之詩宣帝戮之三族五族 之刑上行之不以為疑下見之不以為怪此皆商鞅 夫楊朱不拔一毫以利天下其失也為己太重故其 孟子傅

徒得志於天下無復君臣父子之倫姦雄窺伺天下 朱之術至商君而大肆其禍乃至於如此使墨翟之 其術皆祖於楊朱之為我也墨翟摩頂放踵利天下 危人以自安害人以自利奪人以自富殺人以自疆 弊為商鞅為鄒忌為孫臏為陳較為蘇泰為張儀皆 稽之談恣荒唐之説其術皆祖墨氏之兼爱也夫楊 接子為環湖為莊周皆黄老之術為同異之辯肆無 其失也為人太多故其弊為鄒行為慎到為田騎為 灾 四庫全書 卷十三

太宗而以煙為妾唐玄宗以婦為妃尚有腥機之風 寫笑倚杖高視揮塵清談居喪而酒肉父子而裸袒 是致劉石相踵神州陸沈悉數百年而後混一至唐 子思益二帝三王周公之正統也其見識高遠知與 王衍從而和之認莊周老明以為宗指文王山甫而 洪水夷狄猛獸亂臣賊子之害同故力排而深武之 此又墨氏之為害其禍如此之烈也孟子親傳道於 孟子傳

大亂不可復支矣何以言之魏何晏倡虚無之說晉

金定四库全書 高自此於三聖而不疑誠以其所見者如此也然余 徒孫臏商鞅陳彰蘇秦張儀稷下之亂孟子出馬聖 歌之亂周公出馬君臣父子之亂孔子出馬楊墨之 患害禍亂之所在而去之除之其大用所及至有氧 賢之去患害除禍亂豈徒然哉必也天理昭者深見 不足以見聖賢故洪水之患大禹出馬夷狄之亂猛 點觀天下之理非大患害不足以見聖賢非大禍亂 坤之造變化之神非淺智者所能窺也故禹用此道 卷十三

九日年至書! 圭而狄許子其阻為何如哉且有那說必有暴行而 卒楚子而人諸侯其用為何如哉孟子用此道以闢 楊墨則羞比管晏妾婦儀行蚓陳仲而直夷之貉白 驅飛廉於海隅而戮之驅虎豹犀象而遠之其用為 何如哉孔子用此道以作春秋則舍趙穿而書趙盾 何如哉周公用此道以無夷状驅猛獸則誅紂伐奄 那說暴行不生於全盛之時必起於衰亂之世商君

以治水則掘地而注之海驅蛇龍而放之道其用為

時而起於衰亂之世子丕顯哉文王謨非邪說也不 害周公起而正之文武之道衰而邪說暴行作故有 之說那說也其行法也屬公子印刑太子處步過六 臣弑其君子弑其父之害孔子起而正之孔子既死 尺者罰棄灰於道者刑暴行也豈非有邪說必有暴 天下孟子起而正之豈非邪説暴行不生於全盛之 行子竟舜之道衰則那説暴行作故有飛薦猛獸之 和說暴行作故諸侯放恣處士横議楊朱墨翟盈

商君之說止入孝公其為害己如此别孫順陳較蘇 道可謂有功其於生民之性命可以同功於造化夫 秦張儀稷下之說遍湍天下其惑亂人心亦已深矣 夷狄猛獸亂臣賊子而已哉孟子閥之其於聖王之 於其事害於其政且商君邪說一入考公之心其為 政事刻薄如此使楊墨之說盡行其為害豈止洪水 缺至於那說之害入於人心作於其心害於其事作 承哉武王烈非暴行也故放佑後人皆以正而無虧 孟子傳

聞目無見也并上有李轉食實者過半矣匍匐往將食 匡章曰陳仲子豈不誠庶士哉居於陵三日不食耳無 張儀稷下之說而止關楊墨者此又顯仁藏用之意 之說深入也然而孟子不指閱商君孫臏陳較蘇秦 孟子諄諄蓋在於此然則外人以為好辯者此楊墨 意也此又聖賢之大用也學者試思之 欲正人心必息邪說距被行放淫辭此自然之理也 而春秋所以罪洩冶之意而孔子所以君子伯玉之

飲定四庫全書 /

為不義之室而不居也避兄離母處於於陵他日歸 蓋禄萬鍾以兄之禄為不義之禄而不食也以兄之室 之三咽然後耳有聞目有見孟子曰於齊國之士吾必 彼身織屢妻辟纏以易之也曰仲子齊之世家也兄戴 伯夷之所築與抑亦盗跖之所築與所食之栗伯夷之 以仲子為巨摩馬雖然仲子烏能產充仲子之操則 後可者也夫明上食福壤下飲黄泉仲子所居之室 樹與抑亦盗跖之所樹與是未可知也曰是何傷哉

配司車公告!

孟子傳

而後充其操者也 母殺是舊也與之食之其兄自外至日是鴕鴕之肉 地而不恃質諸思神而無疑百世以俟聖人而不惑 憔悴處本諸身施諸庶民考諸三王而不繆建諸天 聖人之道大中至正不在放浪高遠處亦不在枯搞 出而哇之以母則不食以妻則食之以兄之室則不 續其兄生為者已頻顧口惡用是鶃觀者為哉他日 以於陵則居之是尚為能充其類也乎若仲子者明

夏葛上有父母之樂下有兄弟之情此大中至正之一 之不隨放浪高遠以賊道則為枯稿憔悴以賊道緊 氣郁如春陽浩乎其無窮悠乎其甚樂倘以私智亂 道本諸身施諸庶民考諸三王建諸天地質諸思神 之以聖王之法皆可誅者也夫飯禾而羹肉冬裘而 無弊者也行之可久施之可大者也薰如和氣郁如 百世以俟聖人不緣不恃不疑不惑者也言無偏行 ומו לו שום 🏴 孟子傳

故其言無偏其行無弊行之可久施之可大薰如和

鱼灰四月白丁 春陽者也治乎其無窮悠乎其甚樂者也彼陳仲者 居是置兄與母於不義之地而自與妻同處於潔產 何師而何學哉此以私意求道此隨於枯稿憔悴者 食以兄之室為不義之室而弗居也而處於陵以為 之禄為不義之禄而弗食也而身織屢妻辟纏以為 以聖王之道格之謂之巨擘以其尚小節也謂之蚓 以要當世之名也此何心也哉此非人心也故孟子 也夫居兄之室食母之食此聖王之道也今乃以兄 卷十三

实足日事 全書一 乎上食楊壤下飲黄泉然論其形狀則可惡論其智 舜文武也幸而出於戰國之時見正於吾孟子也倘 識則甚愚陳仲子迹狀辟兄離母豈非可惡也哉仲 絕者也嗚呼陳仲不幸不出於帝王之世見誅於堯 子為士人乃任私意以亂天倫在聖人之門正當誅 子知識辟兄離母豈非甚愚也哉躬異類不足道仲 於辟兄離母之罪是與蚯蚓同一機也夫則豈不潔 孟子傳

以其無知也倘自以為亷潔而不問天倫之大自陷

使其說行則是楊墨之外又有一陳仲以亂聖王之 道矣余曾謂人不可不學學不可不求師求師不可 名教吁士大夫立己其可不審處子竊當讀易乃見 不知明聖王之道乃陷於不孝不弟之惡以得罪於 不知好學又不知求師似此見識其求師也必入楊 不明聖王之道通萬世而可行者如陳仲自任私意 氏為我而非通萬世為可行者其亦可憐也已余原 其初心本於為善而非為惡也不知好學不知求師

節之過雖貞亦玄使其知悔則無玄矣此天理之自 陳仲子三日不食耳無聞目無見此所謂苦節也苦 節抑之節也上九節之太過其辭曰苦節貞或悔亡若

瓢飲不改其樂此所謂甘節也使 顏子得志飯梁而

食牛必知其亦樂矣益其所謂節者乃品節之節非

聖王之節也其解日甘節吉往有尚若顏氏子筆食

之所同也然不貴苦節而貴甘節九五居中得正乃

陳仲三日不食聖王之門無如是法也夫節固聖王

孟子傳卷十三 戒其於名教可謂有大功矣 豈可行之道哉當世方且尊高之孟子乃獨指其避 疾不徐不激不抗悠然自得從容中道如陳仲之苦 兄離母之罪且蚓之且巨摩之以為自任私意者之 如屈原申屠狄之流皆非聖王之道也聖王之道不 然也故凡刻意尚難憤世疾邪沽激矜持决去不反

新定四庫全書